Date: 13/05/2016

#### 《Ella 重生记》

#### [第一场 → 孩子未来方程式]

场景: 讲座

人物:麦博士、孕妇 Alice、孕妇 Brenda、孕妇 Connie、孕妇 Daisy(Ella 母亲)

(研究助手在准备好讲座需要用的文具、报名表和单张。有孕妇已经到达。)

Brenda: 喂! Alice! 你都嚟左呀!

Alice: 噢! Brenda! 系呀! 我本来 waiting list 架咋! 点知琴日通知我话会加位,所

以至有得嚟咋!

Brenda: 麦博士 D 讲座出左名好 FULL 架啦, 迟一分钟报名都冇位呀!

Connie: 咁又有咁夸张,我开始接受报名之后1个钟都仲报到名。

Alice: 咁你都好好彩唱!

Daisv: 请问呢度系唔系麦博士个讲座呀!

研究助手: 系呀,请随便坐。

Daisy: 唔该。(找座位坐下)好彩冇搞错地方, 呢度真系好鬼吊脚, [又冇地方泊车, 落

左的士仲要行条大斜路,]真系边死人....

Alice: 你个肚甘大仲走来走去,又真系好辛苦,你个预产期系几时?

Daisv: 下个月初。 今次系我第一胎, 唔知道会唔会好痛, 宜家都有 D 担心。

Brenda: 哎呀你开刀生呀嘛, 咁就唔会痛啦, 顺便拣个好嘅时辰开刀, 咁样 BB 个八字

又会好 D. 第时读书工作拍拖买楼买车结婚生仔样样都顺利 D 架!

Daisy: 但系外国有 D 研究话自然生产嘅 BB 仔大个左会聪明 D 勇敢 D 积极 D 独立

D喎, 八字呢 D 野信唔信得过架? ...我都系信科学多 D, 费事第日个女大个

左走嚟怨我!

麦博士: 大家好! (各孕妇拍手) 欢迎各位嚟到我地嘅研究中心参加『孩子未来方

程式』讲座,我系呢个研究中心嘅研究总监,亦都系今日嘅讲者麦博士。

今日,我会同各位介绍本研究中心独创嘅「孩子未来发展蓝图」。

(Powerpoint Projection, screen 出现发展蓝图的图像。)

首先, 我想纠正大家一个非常错误嘅观念, 就系好多人成日讲嘅 「赢在起跑线」, (指着黑板上写着的口号「赢在起跑线」) 我需要话俾大家知, 呢个观念系完全错嘅!

(Powerpoint 里「赢在起跑线」的字句上出现了一个大交叉)

因为,净系「赢在起跑线」系完全有意义架!人生系一场长跑,我地嘅子女要成功嘅话,不单止要赢在起跑线,而且过左起跑线之后都要一路赢,一路赢,

一路赢, 赢到去人生嘅终点! 咁样先至算系成功, 先至系人生嘅大赢家!

(麦博士自己拍手, 示意听众也要一起拍手,)

古语有云: 『3 岁定 80』。根据我多年嚟嘅研究显示,家长最好喺小朋友三岁前带佢地参加唔同嘅课外活动,而且最起码要五样唔同嘅课外活动。你地可能会问,点解起码要五样呢?的确,系有 D 奥妙!

Date: 13/05/2016

教育家讲求 德、智、体、群、美<u>五</u>方面嘅教育,我国几千年前亦已经有「易经」讲求金、木、水、火、土<u>五</u>行嘅调和,所以,课外活动最起码要有 5 样,或者以五嘅倍数增加,即系,10 样或者 15 样,咁样小朋友就可以得到生理同心理平衡嘅发展。当然,呢 D 活动最好系越早参加越好,就算只系啱啱出世都可以参加。

Daisy: 哇! 乜原来咁多嘢要谂架! 我仲以为就咁养大个小朋友就得添!

麦博士: 呢位妈妈,你太天真啦![好多家长宜家都会带小朋友参加学前准备班,] 呢 D 课程系非常重要架,因为入到好嘅学前准备班,先有可能考到 band1 嘅 幼稚园,然后先至有机会入到 band1 嘅小学,再入到 band1 嘅中学,跟住先会有希望考到中大,科大或者港大,读热门嘅科目,搵到好嘅工作!! 呢 D 咁基本嘅道理,我相信大家都应该好明白。

(拿起传单向孕妇派发) 我地中心都有一 D 精心设计嘅课程俾初生到三岁嘅小朋友参加,呢 D 课程都可以帮助你地嘅小朋友成为儿童界最精英嘅儿童,希望到时可以见到大家。大家有冇问题想问?

Alice: 哗, 点解会有咁多野要学架!净系带个小朋友四周围去上堂,都已经会攰死人啦! Brenda: 死啦,我只系报 BB 报左 3 样课程,英语,游水 同 画画,好似唔系好够喔...

Connie: 博士, 我想问咁胎教方面呢? 你地中心有冇胎教嘅课程或者服务呢?

麦博士: 呢位妈妈嘅问题问得非常好! 冇错, 胎教系极之重要的, 如果妈妈不注重胎

教,孩子出生后的培育成效将会大打折扣!甚至系徒劳无功!

Daisy: (站起来)哎呀!不是吧!我有做任何胎教啊!我过多两个星期就生啦!点

算呀!

麦博士: 咁样嘅话, 我只能够话, 祝你好运, 将来你同你小朋友将会需要比别人努力 10

倍,甚至100倍,先有可能唔被淘汰...不过,如果你唔想情况太恶劣,你可以考

虑一下报我地嘅十天胎教精读班,可能仲嚟得切嘅...

Daisy: 下? 十天精读班? 胎教都有得精读? 哎呀! 我个肚好疼啊!! (差点倒下)

孕妇们: 哎呀! 你没事呀吗?? (有些担心)

[Alice: 佢会唔会生得啦!不如 call 车送佢去医院啦! (Alice 帮忙抹汗,Brenda 搽

*药油*)]

麦博士: [有事嘅, 有事嘅。] 大家冷静 D……我地今日讲座结束啦。(收拾东西离

开。)

Connie: 麦博士,我想问个十天胎教精读班 full 左未? 我想报名,学费我可以即刻

交 cash。

麦博士: 好! 你跟我嚟。 (Connie 跟麦博士离开。)

(后面的人打电话,忙忙碌碌.慌慌张张离开。)

# [第二场 ↓ 见家长]

地点: 学校课室 中二。

人物:母亲,Ella,班主任。

时间:13 年后,Ella

Date: 13/05/2016

班主任: Ella Chan Please!

Ella 妈妈: 系老师。

班主任: 依?陈太? Ella 呢?

Ella 妈妈: 佢喺课室出面食紧早餐。

班主任: 叫佢入埋嚟呀。

Ella 妈妈: 今日见家长咋嘛,又唔系见学生,你星期一至五都见到 Ella 架啦,有咩要

同佢讲都讲晒架啦。一系咁,如果你惊会有唔清楚,我可以录音,咁Ella

之后可以听返。

班主任: 有需要录音啦, Ella 宜家系出面, 系唔系? 我地等佢食埋早餐先, 我宜家

见左下一个学生先啦。

Ella 妈妈: 下?! 唔得! 我 Ella 今日个 schedule 已经 full 晒, 一定要准时走架! (Ella 冲入)

Ella: 妈咪! 我枝唇膏呢? 我食完野唔补返 D 唇膏点见人呀?

Ella 妈妈: (在手袋里找唇膏,一边讲电话)啊! 你咁快食完野啦! 拿. 唇膏呀!

(Ella 坐在妈妈旁边,拿小镜子出来,开始涂唇膏,化妆,整理头发,然后玩电话。)

Ella 妈妈: 老师,而家可以开始倾咯呵?

班主任: Ella 呢个学期嘅成绩都唔算太差,主要系数学科需要努力一D,同埋

discipline 方面要注意一下。数学科老师话 Ella 所有数学测验卷都有家长签

名,而且警告左好多次都唔肯签返嚟。 我想请问 Ella 其实有无俾过 D 卷你

答?

Ella 妈妈: 有呀!但系唔合格喎!点签呀?佢小学唔系咁架,D数学好地地架,都唔

知点解上左中学之后数学先至唔合格?

班主任: 系,明白。Ella 嘅数学成绩的确一直退步紧,而且经常欠交功课,令到平

时分都好差。其实数学科老师已经安排左 Ella 下个学期放学后上数学辅导班,同埋另外加多左一 D 数学练习俾 Ella,希望帮 Ella 尽量追番 D 进度。

不过,请家长都尽快补返 D 签名。

Ella 妈妈: 老师呀, Ella 欠交功课系因为学校冇人提佢交呀!!! 你地学校冇帮学生准备

功课袋,我个工人执书包先至会执漏架咋!仲有呀,我听朋友讲,外面 D学校 D班主任唔知几尽责,同家长开个whatsapp group,每日都会有功课提示,

测验提示, 好好 service 架! 唔该你地检讨下啦!

班主任: 多谢陈太既意见,我地会向学校反映。不过学校嘅规矩系家长要系每一份测

验卷上面签名,无论几多分都要签.....

Ella 妈妈: 都话唔合格唔签咯,50分都冇点见人?

班主任: 咁唔知家长希望点样处理呢....?

Ella 妈妈: hmmmm…..重测、重考啰, 佢考返合格我就签。

考?你想虐待我呀?!

班主任: 其实 重测、重考冇乜可能安排得到,希望 Ella 下学期可以努力 D,追返上

嚟。至于D平时分,我同数学老师再 check 下。(老师递上测验卷、考试

卷给 Ella 妈妈签名。Ella 妈妈不情愿地签了) 唔该晒。

班主任: 好啦。讲完 Ella 嘅成绩,不如我地宜家讲下 Ella 嘅 discipline?

Date: 13/05/2016

Ella 妈妈: 好呀。不过有件好重要嘅事,我想问左先。学期尾 Ella 会参加个领袖训练

营,5日4夜,我想问个camp site 请咩人煮饭?

班主任: 营地方面会安排供应膳食,卫生和质素方面一向有保证,可以放心。

Ella 妈妈: 拿,我好赶时间,我直接 D 同你讲,我同其他家长倾紧夹钱请一个米芝莲

级厨师,确保 D 学生嗰几日有 D 似样 D 嘅野食,如果唔系,五日冇野食,

我惊会饿死 Ella。

Ella: 妈咪呀,我搞掂啦!你走得未呀?好闷呀,你又话赶时间?(站起来准备

离开)

Ella 妈妈: 老师,我迟D再联络你话你知个米芝莲厨师嘅资料啦!。

(Ella 与 Ella 妈妈出。老师收拾东西,离开。)

## [Scene 3 - 宿营之灾难]

### 人物: Ella, Jasmine, Alexis, Katherine, 救护人员,班主任,班长(Monica)

(场景在舞台布幕前发生,布幕后面在转景。)

(同学们和老师到达宿营营地,所有同学都拿着旅行袋。)

Jasmine: 哗! 好样衰呀! 今次个 camp 肯定唔会好玩啦, 连个 camp site

阿 sir 都咁唔掂,成旧饭咁!

Monica: 系啰, 讲野仲好似含住粒榄核咁, 我完全听唔到佢讲咩啰!

Katherine: 我净系听到一句! 佢话所有人每晚都要 9 点钟熄灯上床训觉啰, 痴线架!

Alexis: 采佢都傻啦! 我今晚打算唔训架!

Jasmine: 咁, 你有有带电筒呀?

Alexis: 有喎!

Katherine: 用手提电话个电筒得唔得?

(Ella 拉着她的超大行李来到。)

Jasmine: 哗! Ella! 你南非动物大迁徙呀?

Monica: Ella, 你头先点样上旅游巴架?

Ella: 我工人姐姐帮我架嘛。

(班住任到,同学整齐排队。)

班主任: 好啦,各位同学,对于刚才营地负责人嘅讲解有冇问题? (同学摇头:

*冇!* ) 如果冇问题, 宜家你地先返去自己嘅房间, 整理一下个人物品, 大

约30分钟之后就去饭堂集合,准备食lunch。

Ella: Miss Wong, 我有问题, 我件行李好重, 呢度又有 lift 搭, 我间房系 3 楼, 我

唔够力搬上去,可唔可以搵工人帮我?

班主任: Ella, 呢个系领袖训练营, 有工人架, 你要带咁大咁重嘅行李, 你就要自己

谂办法。

Ella: 下? Miss Wong 你帮我谂下办法啦…

班主任: 我宜家要赶住去同营地负责人开会,你同你 D 同学商量下啦。(老师离去)

Ella: 下? (转头望向同学们) 喂, 你地帮下手啦…我宜家点算呀?

Date: 13/05/2016

Jasmine: 你点解要带咁多野啫?自己攞嚟烦。

Ella: 唔关我事架,一日都系我妈咪啰,学校唔准佢请米芝莲厨师入 camp,咁佢

咪叫工人姐姐煮左5日嘅食物、汤水同茶点,装晒入个行李度啰,搞到我

要拎走成十几件衫同3对鞋先挤得落呀…

Alexis: (抱着她的旅行袋) 我自己个袋已经好重,我啱啱好够力啰架咋,我啰唔

到其他野架啦。

Ella: 咦···Alexis 呀!你好伤我心呀!枉我成日请你地食野,到我有难你地一个二

个又唔肯帮手! (想哭)

Katherine: 你请我地食野系因为我地借功课你炒咋喎,唔包做搬运个喎!

Ella: 你个 Katherine, 你…你忘恩负义呀你! (几乎哭出来) 你地全部唔爱我啦!

Monica: 呀! Ella! 我有办法!! 你分几次攞咪得啰! 我地仲有成 30 分钟先食 lunch,

够晒时间分几次搬啦! 系咪? 我系唔系好聪明呢?!

J,A,K: 系呀! 系呀! 都系我地个班长最聪明! 咁我地上去先啦! ( *同学们速速离* 

去)

Ella: 喂! 你班衰人! 你地信唔信我下个月系半岛搞嘅生日会唔请你地呀拿?!

喂! 等埋我呀! 冇人性! 好虚伪呀你地!

(舞台上。营地房间里。Ella 终于拉着行李箱进入,其他同学在收拾自己的东西,玩电话, 发短信报平安,聊天。)

Katherine: 哗你地睇下! Ella 搬咗件行李上嚟啦!

Monica: Ella 你好犀利呀! 唔洗分几次都攞都件行李上来! Superwoman 呀! 哈哈!

(Ella 以虚假的笑容回应。放好行李后看见 Monica 从袋里拿了一些橙出来,很奇怪。)

Ella: 车! 你地唔好笑我呀! 你地睇下 Monica 带 D 咩古怪野嚟宿营好过啦! ( *攞* 

起一个橙) 你几多岁呀? 仲玩波波呀?! 依? 呢度有个制个喎! 有咩功能

架? 冇反应嘅?! (闻一闻) 哈! 仲成阵橙味…咩嚟架? 奇奇怪怪!

J.A.K.M: (呆了一秒,不懂反应,爆笑。)

Ella: (指住 Monica 大笑)

(其他人笑得更厉害,指住 Ella 大笑)

Ella: (感觉到有点不对劲)做咩呀你地! 指住我做咩啫?

Alexis: Ella, 呢 D 系橙嚟架, This is an orange!!! 梗系有阵橙味啦!

Jasmine: (一边笑一边说话)喂,我个肚好痛呀…我支持唔住…够钟食 lunch 啦,快

D落夫啦!

Monica: 拿! 个橙我送俾你做饭后果啦,最多一阵教你食啦! (J、A、K、M 笑着

离开)

Ella: 喂! 你地唔好走住呀! 喂! (*J、A、K、M 已离开*) 我想去厕所呀,个厕

所系边呀?!!

Ella: (望住个橙) 我平日见 D 橙明明系一楷一楷架……唔理住啦,都系去厕所

先…

(Ella 自己找到厕所)

Date: 13/05/2016

(Ella 发现自己原来 M 到,而且面裤原来已经弄脏了,尖叫,不知如何是好。) (Ella 从口袋里拿出电话,打电话给妈妈。)

Ella: (用尖锐的声线,介乎尖叫与说话之间)喂!妈咪!

Ella 妈妈 VO: 喂, Ella? 你到左 camp site 啦? 点呀? D 枕头同被干唔干净呀? 要唔要妈咪

送过 D 干净嘅嚟俾你?

Ella: 我 M 到呀!

Ella 妈妈 VO:下?你话咩话?

Ella: 系呀!我M到呀!条裤仲污糟左,好大达呀!

Ella 妈妈 VO: 下? 你讲多次? 咩一达达话? 系唔系俾蚊咬到一达达呀?

Ella: 我话我 M 到呀! (激动) 点算呀? 我有带 M 巾呀!

Ella 妈妈 VO: 你唔好叫住啦! 你有带咩话? (断线)

Ella: (尝试用冷静的声音但最后都系尖叫)我话我原来 M 到但系竟然有带 M 巾

而且宜家条白色面裤已经污糟左仲要好大达好核突你叫我点出去见人呀呀

呀!!!

Ella 妈妈 VO: (已经断线,没有回应)

Ella: 喂?喂?喂?(看电话)有电?!我头先影 selfie 仲有电架明明,点解宜

家先嚟冇电?点解呀?!天呀!!!

Ella: 死啦,点算呀,有M巾,条裤污糟左又唔可以行出去,唔通要等佢地四个

返嚟救我?但系实俾佢地笑到面都黄喎,头先个橙已经好样衰,如果再衰 多次,实笑足一世。唔得!我一定唔可以咁冇面! (Ella 尝试找其他通道

离开厕所, 台上暗灯。)

(舞台前侧,楼梯上。Miss Wong、Jasmine、Alexis、Katherine、Monica 在等 Ella。)

班主任: 点解 Ella 咁迟? 已经迟左 10 分钟啦。佢头先有冇同你地讲佢有唔舒服?

Alexis: 有呀! 其实 Ella 不骝都迟架啦!

Katherine: 佢成日都慢吞吞架啦,可能衬紧衫挂。

Jasmine: 我好肚饿呀, Miss Wong 我地准时到, 可唔可以入左去先呀? D 餸就快俾人

食晒啦。

Monica: Miss Wong, Ella 冇同我地讲唔舒服,不过我地出嚟个阵, Ella 先啱啱搬完

行李入房,可能佢要 D 时间执拾个人物品。

班主任: 好啦,你地入去食 lunch 先啦,我去房搵下佢。(*同学离去,老师转身,见* 

到 Ella 妈妈拖着一个大行李箱到达。)

Ella 妈妈: Miss Wong! 一嚟到就见到你真系太好啦,我个女呢?

班主任: 陈太? 你搵 Ella 有咩事? 呢个系领袖训练营,家长唔可以嚟个喎。

Ella 妈妈: 我个女头先打电话俾我,话唔记得带野,所以我特登带过嚟俾佢啫。

班主任: OK。咁麻烦你交低比我,我会交俾 Ella 架啦。

Ella 妈妈: 但系我唔知佢要咩喎。

班主任: ……咁你头先又话系 Ella 打电话叫你攞野嚟比佢?

Date: 13/05/2016

Ella 妈妈: Ella 个电话收得好差,室下室下,我听唔清楚佢讲乜,之后仲断埋线,所

以我将我谂到佢可能有需要嘅野都全部攞晒过嚟俾佢拣,唔洗走多次。

班主任: 明白。我宜家去搵 Ella 过嚟,我带你去 office 度等啦。

Ella 妈妈: 唔好啦 Ms Wong,我同你一齐去搵 Ella 啦,佢头先响个电话度大叫,应该

好 urgent。

班主任: 唉,好啦好啦,你跟我嚟啦。

(舞台上。营地房间里。Miss Wong 与 Ella 妈妈入。)

班主任: Ella!

Ella 妈妈: Ella!?

(Miss Wong 四处找,找不到 Ella。Ella 妈妈也四处找 Ella,在厕所看到地上有血纸巾。)

班主任: 下? 你冷静 D 先, 你边度搵到架?

Ella 妈妈: 厕所垃圾桶呀!呀,惨啦,惨啦,我一早都话唔好嚟呢 D 乜鬼训练营架啦,

都唔知对升大学系唔系有帮助,但系我个宝贝女宜家遇害啦!我要报警!

我要报警!

班主任: 陈太! 你冷静 D 先啦! 我地都未搵清楚! 你试下再打俾 Ella 先啦。 我就问

下 office 同门口看更,睇下有冇见过 Ella。(老师打电话,Ella 妈妈也同时

打电话)

Ella 妈妈: (*只接到留言信箱*) Ella, 妈咪呀, 你唔好吓妈咪呀, 你去左边呀?我攞左

D被铺枕头俾你呀, 仲有电子驱蚊器、电蚊拍、卷发器、同电动按摩器,

你睇下你要边样啦, 妈咪系你间房等你呀。

班主任: 成个 camp site D 职员都话有见过 Ella 离开营地,咁佢即系仲系营地入面啦,

可能佢一时行错路啫,宜家系 lunch time,可能佢已经去左饭堂,不如我地

过返去搵佢啦。

Ella 妈妈: 我唔去!我留左言话系度等 Ella 架,一阵佢嚟到搵唔到我咁点算呀?

班主任: 咁好,你留系度等,我去饭堂搵佢。

Ella 妈妈: 你都唔准走!我个女宜家生死未卜呀!你系佢班主任,你想走去边呀?你

想逃避责任呀?今次如果我 Ella 有咩事你一定死梗呀你!

班主任: 陈太,我话我去饭堂搵 Ella,我唔系逃避责任呀!

Ella 妈妈: (*再打电话*)喂!女呀!妈咪呀!你接电话啦好唔好?(*向班主任*)一日都

系你唔俾我请米芝莲厨师入 camp 先至会搞成咁架!

班主任: 陈太,个营地唔系好大,我地好快会搵返 Ella,我相信佢一定会冇事。

有好好睇住我个女呀?下?

班主任: 陈太,我有好多学生要照顾,我有可能每分每秒都睇住 Ella。

Ella 妈妈: 拿! 你认啦! 你认你有尽责照顾我个女啦! 我宜家要报警呀! 失踪少女呀!

班主任: 陈太,我地唔可以随便报警架,宜家我地又冇证冇据,而且 Ella 可能根本

就系饭堂食紧饭, 你都冇搵清楚就话要报警, 咁样太唔理性啦!

Date: 13/05/2016

Ella 妈妈: (*再打电话)* 女呀!妈咪呀!妈咪之前冇听你讲野系妈咪唔啱,妈咪宜家

明白点解你唔钟意返学啦,你个班主任 Miss Wong 真系完全唔掂呀!应变能力同 FO 都超级低呀!一 D 人性都有!你快 D 覆返个电话俾妈咪啦!

班主任: 我宜家都明白晒点解 Ella 会有咁严重嘅公主病啦。

(班主任收到申话。)

班主任: 喂,系,系,下?OK,OK,好,我宜家即刻嚟。(收线)Ella 宜家系营地

office, 你要唔要跟我过去, 定系要系度等?

Ella 妈妈: 快 D 行啦, 仲讲!

(舞台布幕前,布幕后面在转景。)

(Ella, 便利店职员。Ella 用上衣围在腰间,遮掩裤子后面的污渍,但上衣和裤也有点破烂。)

(Ella 妈妈及 Miss Wong 入。)

Ella 妈妈: Ella! 你吓死妈咪啦! (冲过去拖住 Ella)

班主任: 你系便利店职员?

职员: 系,个细路女冇钱俾,又话自己唔认得路,叫我跟佢返嚟,又话嚟到呢度

就会有人帮佢俾钱,我见佢个样唔似讲大话,所以就送佢返嚟啰。

班主任: 佢买左咩,要俾几多钱?

Ella 妈妈: 得, 我俾。100 蚊, 唔洗找啦!

职员: 唔该,咁我走先啦,唔系俾老细闹。

班主任: 好。唔该晒。(向Ella)Ella,你点解会偷走出去架?

Ella: 我带漏左 D 好重要嘅野,电话又有电,又惊俾人知,所以自己爬后门埲墙

出去买啰,但系去到便利店先醒起自己有带钱…想返转头又唔认得路…好

彩我仲记得个 camp site 个名。

班主任: 你带漏 D 乜野咁紧要,要爬后门埲墙出去买呢?

(Ella 不作声。)

Ella 妈妈: 系啰, 你唔好收埋啦, 啰出嚟, 俾妈咪知工人姐姐执漏左乜野, 等我返去

闹佢!

Ella: Miss Wong, 你可唔可以应承我唔话俾其他人知?我唔想俾人笑到面黄。

班主任: 好,我应承你。

(Ella 把一直收在身后的一包卫生巾拿出来。)

(Ella 妈妈及班主任望着那包卫生巾,灯暗。)

## [Scene 4 - 痛定思痛]

#### 人物:Ella. 妈妈,工人姐姐 Silvia

(舞台布幕打开,Ella 家。工人在打扫,Ella 妈妈和 Ella 各自拖着一个大行李箱入。) Silvia: Mom! Ella? Why come back so soon?

Date: 13/05/2016

(工人姐姐马上把拖鞋拿给 Ella 和 Ella 妈妈,帮 Ella 除鞋,着拖鞋,帮 Ella 拉椅子,让她座好,然后快速地从厨房拿两杯热茶和点心出来。)

Ella 妈妈: *(工人一边做事,Ella 妈妈一边说话)*唔好问啦,Ella 心情五好唔想讲野。 总之我同老师讲左叫 Ella 早 D 出 camp 返屋企休息。 Ella 宜家好攰,你快 D 较水俾 Ella 冲个凉先啦。

Silvia: OK, mom.

(工人姐姐再把行李箱拖走,入后台。)

Ella: (待工人姐姐走开之后)我今次真系样衰到爆,乜面都冇晒。

Ella 妈妈: 唔紧要啦,你D同学以为你唔舒服啫, Miss Wong 都应承左你唔会同人讲

啰。最紧要系你个人冇事,冇俾车撞到、冇俾D金鱼佬拐左去。

Ella: 你真系觉得我会俾金鱼佬拐左去,妈咪?你知唔知我几多岁?

Ella 妈妈: 你几多岁都好,系妈咪心入面你永远都系一个 BB,我个宝贝乖女。(*想抱* 

抱 Ella)

Ella: (避开妈妈) 我唔系 BB 呀! 妈咪, 我识嚟 M 架啦! (稍停) 一日都系你

唔好呀! 你又唔俾我自己执行李,又逼我带几十个真空罐嘅野食,搞到我

连 M 巾都有带!

Ella 妈妈: 呢D野一向都系工人姐姐做架啦! 有带 M 巾系工人姐姐嘅疏忽,我今晚会

同佢讲。

Ella: 妈咪呀,点解我连真正嘅橙都未见过?咁系边个嘅疏忽呢?

Ella 妈妈: 真正嘅橙? (妈妈不明白)

Ella: 我连未搣开嘅橙都未见过呀,我唔知道橙原本个样系一个个圆形架,我以

为橙系一楷一楷架, 我俾全部 friend 笑呀!

Ella 妈妈: 橙系一楷一楷架,你有错呀,系你D同学唔啱,因为D咁低B嘅野笑你。

边个笑你, 你就唔好请佢去你下个月系半岛开嘅生日会!

Ella: 妈咪呀,你都识讲,「咁低B嘅野」,点解我连「咁低B嘅野」都唔识?

点解我 D 同学个个都识系我唔识?

Ella 妈妈: 识个 D 野冇用架!识读书、考试、弹竖琴、跳芭蕾舞、剑击、溜冰、打

Hockey、骑马、德文、西班牙文、水墨画、辩论,先至有用架嘛! 你宜家 系求学年纪,一定要将学习放系第一位,咁样先可以入到一流大学、[读一流嘅学科、考到一级荣誉毕业、]做份一流嘅工作、搵个一流嘅老公、生一个一流嘅 BB、过一个一流嘅人生。你一定要好好为将来打算,咁妈咪第日

死左之后你先至可以有能力照顾自己

Ella: 自我有记忆以来你就成日咁样同我讲,我唔想再听啦! (停顿)点解我一

出世就要担心你死左之后我点样生活?我觉得咁样好痴线啰!好癫呀!

Ella 妈妈: 呢个世界个个父母都会为自己仔女着想架啦!第日你做左人妈咪你就会明

架啦。

Ella: 我唔想自己第日变成好似你咁。

Date: 13/05/2016

Ella 妈妈: 呢个世界就系咁架啦,个个人都系咁样跟住游戏规则,照住条程式行架啦,

唔跟个个第日一定后悔架。你宜家仲细, 你大个左就明架啦。

Ella: 咁有 D 乜野系我宜家会明架! 我觉得自己好有用好白痴呀,我 D 同学个个

都识自己照顾自己,而我呢?我就好似个低能儿咁。

工人姐姐: Mom! ······Bath tub D 水我较好左啦,毛巾同干净衫都放好啦,你要唔要

check — checkD 水同暖风机个 temperature?

Ella 妈妈: (向工人点点头。然后向 Ella。) 好啦 Ella, 妈咪知道你今日心情唔好,我

地晤好倾呢 D 野住啦, 你去冲凉休息先啦。

Ella: 我唔想你再帮我决定咁多野呀妈咪。

Ella 妈妈: OK, 咁你想点?

Ella: 我想以后自己嘅事自己处理,唔想妈咪你话晒事,同埋唔洗工人姐姐咩都

帮我做。

Ella 妈妈: 你想炒左工人姐姐呀?你系唔系仲嬲紧工人姐姐冇帮你执到 M 巾落行李呀?

工人姐姐: 小姐, sorry 呀, I am so sorry 呀, 我今次系有 a little bit careless, 我下次会好

careful 架啦,你唔好炒我呀,我唔可以冇左份工架,如果我 jobless 我乡下

D屋企人会 starving 架……

Ella: Don't worry Silvia, 我都有话要炒你! 我想自己 D 野自己做咋嘛! 你以后净系

做家务同帮妈咪得架啦,我搞唔掂先叫你啦!

工人姐姐: oh, sure, sure, 多谢小姐, thank you, thank you! Mom, 小姐话唔炒我呀!

Ella: 呀! I have a great idea! 妈咪,下个月个生日会我地唔好去半岛开啦! 我地系

屋企开!我自己整蛋糕!自己整野食招乎自己 D friend!! Yeah! Isn't it a

great idea Silvia?! 你宜家快 D 教我整野食啦!

(Ella 拖着 Silvia 离开, Ella 妈妈犹豫, 然后跟着离开。)

### [Scene 5 - 生日派对,新开始!]

人物: Ella, Alexis, Katherine, Jasmine, 班长 Monica, 工人姐姐 Silvia, Ella 妈妈 (Ella、 Silvia、Ella 妈妈把食物、饮品、蛋糕、装饰拿出来,为生日排队准备。) (同学们来到为 Ella 庆祝生日。)

All: 生日快乐!

Ella: 欢迎大家来到我的生日会,我保证大家今日一定饮饱食醉,Have a

wonderful day!

Katherine: Ella, 你屋企好舒服喎!

Ella: 多谢! 我应该早 D 请你地嚟玩!

Alexis: 哗! Ella! 你唔好话我知呢度全部野食都系你自己整架?!

Ella: 唔系净系我自己一个整,不过我帮左好多手架! 你地一定要俾面食多 D 呀!

Jasmine: 食左肚痛系唔系你包医药费先?!

Ella: 搞错呀,人地生日呀今日,讲呢 D 野。真系肚痛先算啦!

Date: 13/05/2016

Monica: 你叫我地唔好买礼物嚟, 所以我地用你个名夹份捐左 D 钱去爱护动物协会。

(Monica 把收据交给 Ella。)

Ella: 哗! 你呢个班长呀, 真系次次都系你最聪明喎! 多谢你地呀!

Ella: 好!! 不如我地即刻开始 party 啰! 我好想试下食自己整嘅野呀!

Ella 妈妈: 开始之前,我帮你地影张相先啦!

Ella: 唔洗啦妈咪,你企去后面啦,影 selfie 我最掂架啦! 3, 2, 1 cheese!

(Ella 拿起电话与所有人一起拍 selfie。定格。)

~完~